

Alkitab Buat Bocah

Nampilin



Raja
Ganteng
Nyeng
Tolol



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Lyn Doerksen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Samuel, hakim dan pemimpin Israel udah tua. Dia ngejadiin anak-anaknya jadi hakim buat Israel, ngegantiin tempatnya dalem ngelayanin Tuhan. Tapi anak-anak Samuel jahat.

Mereka nyenengin duit dan ngegunain kekuasaannya buat ngedapetin duit pake cara nyeng kaga jujur.




Orang-orang Israel sengsara karena kejahatan anak-anak Samuel. Pengadilan mereka kaga jujur. Orang-orang kudu bayar sama anak-anak Samuel saban waktu mereka butuh minta tulung.



Sesuatu memang kudu terjadi. Satu ari tetua Israel pada ngumpul bareng dan minta Samuel supaya nulungin mereka.




"Kasih kami raja biar bisa merentah kami," pinta tetua itu. Mereka kaga pengen anak-anak Samuel nyeng jahat nyeng perentah mereka. Mereka pengen raja kaya bangsa-bangsa laen disekiteran mereka.



Samuel marah, Israel udah punya raja. Allah nyeng Maha Tinggi, Nyeng Kekal, penguasa Israel. Betaun-taun nyeng lalu, Dia ngebebasin mereka dari perbudakan di Mesir, ngebelah Laut Merah buat ngebebasin mereka.





Lantas Dia ngasih buat
Israel tanah nyeng bagus.




Pas Samuel sembahyang, Tuhan ngejawab,
"Bukan kamu nyeng mereka tolak tapi Aku ini nyeng
mereka tolak, supaya jangan Aku jadi raja buat
mereka. Mereka ninggalin Aku dan
sembahyang sama
allah laen. Dengerin
permintaan mereka



dan
angkat
seorang raja
buat mereka."



Tuhan bilang sama
Samuel buat ngingetin



orang-orang kalo
raja dunia mereka
bakalan ngambilin
duit buat bayar
pajeg; nulungin
dirinya dewek buat
ngeluku kebonnya;
merentah anak
laki-laki mereka
dalem pasukannya;
dan merentah anak
perempuan mereka
biar begawe buat
mereka.



ROYAL VINEYARD



Tapi tetep aja
orang-orang itu
pengen raja.



Tuhan mimpin Samuel ke orang muda nyeng ganteng, pemalu ama jangkung - sepundak lebih tinggi dari orang-orang nyeng laen. Namanya Saul. Pas Samuel ngeliat Saul, Tuhan bilang, "Orang ini bakalan megang pimpinan pemerentahan buat jamaahku."




Selalu tunduk sama Tuhan, Samuel ngudusin Saul jadi raja Israel. Pas dia ngenalin Saul sama orang-orang Israel, mereka pada surak, "Idup Raja!"



Lantas Raja Saul diuji. Orang-orang Amon nyeng benci ama Israel, ngepung kota Israel dan ngancam bakalan nyongkel mata kanan tiap orang Israel. Satu niat nyeng paling jahat! Berita anceman itu nyampe ke Raja Saul.

Dia nyiapin pasukannya.





Pas kedua pasukan itu papagan, Saul ngalahin orang-orang Amon dan nyelametin kota itu. Raja Saul ngasih pujian buat Tuhan, dan bilang, "...ari ini Tuhan udah nyatain keselamatan buat Israel."



Tuhan ngasih buat Saul kemenangan nyeng gede pada ari itu. Tapi Saul kaga saban ari ngehormatin Tuhan. Satu ari, sebelon perang ngelawan orang Filistin, Saul ngasih sesembahan buat Tuhan. Dia tau kalo itu tuh

kerjaannya Samuel. Dia tau kalo dia kudu nungguin sampe Samuel dateng buat ngerjainnya. Tapi Saul kaga nurut ama Tuhan.




Pas Samuel nyampe, dia bilang sama Saul,
"Perbuatanmu itu tolol, kamu kaga ngikutin
perentah Tuhan Allahmu. Sekarang ini
Kerajaanmu kaga bakalan
betahan
lama."



Bisa jadi Saul mikirnya itu cuman dosa kecil. Tapi kaga nurut sama Tuhan itu dosa nyeng serius.



Laen waktu, Tuhan merentahin buat ngancurin orang-orang Amalek nyeng jahat. Tapi Saul ama orang-orangnya ngebiarin



Raja Agag dari Amalek tetep idup. Mereka juga nyimpen banda nyeng beharga, domba sama sampi. Saul bilang kalo dia nyimpen semua itu buat sesembahan kepada Tuhan.





Samuel ngebilangin Saul, "Sebenarnya nurut lebih bae daripada korban. Kamu udah nolak Sabda Tuhan, lantas Ia juga nolak kamu jadi raja." Saul nyesel banget ama dosanya. Tapi udah telat. Sisa idupnya kaga bahagia karena dia kaga nurut sama Tuhan.



Raja Ganteng Nyeng Tolol

Sebuah cerita dari perkataannya Tuhan, Alkitab

Ditemuin di

1 Samuel 8-16

"Palang pintu Firman Engkau ngasih terang."
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

